

## 112 年全國語文競賽客家語朗讀文章國中學生組（大埔腔）

編號 1 號

### 【線上學習】李秉璋原作

神奇、神奇真神奇，上課毋使趕，交通毋會塞，想愛學麼个，斯學麼个。先生在僱擇，時間在僱選，三更半夜嘛使得，先生講去心色又分明。佢使得係學生个先生，嘛使得做先生个先生，總講佢桃李滿天下，毋使準備拜師禮，毋使納學金，你想愛學，佢斯會教。

毋管你係巧神<sup>1</sup>抑係蠢當<sup>2</sup>，佢做下收。佢無擇學生、無擇時間、無擇所在，孤孤擇你，擇你想愛學个心。這係學習个革命，這係時代个轉變。來已急也已遽，跔得著大進步，親像身邊有仙人指點，武功大進步。

馬桶毋曉整有人教，鏈鋸毋會發，一步一步來，秘訣<sup>3</sup>教你知。網路線个接頭線路毋會閉辦<sup>4</sup>，有人教你色目愛分明，五花十色照順序，工具又特別，頭尾一下同佢夾落去，接頭一插網路通。

雖然講一個銀角毋會響，毋過先生大部分做下係自家在唱戲，講到口涎波潑，精神飽滿，笑頭笑面，親像做下斯毋會慄又有耐心！一遍教毋曉，過教一遍，你想愛學幾多到斯學幾多到，學到你自家無愛。

千里緣分一線牽，天下盡在吾彈指。現代生活真素絲，冷氣吹，彈指間，毋使出門、毋使尖車，想愛仰脣學斯仰脣學。斯算係疫情時節，學校个線上教學，略略無恁自由，毋過乜有人蕪然認真，緊聽課，緊查資料，正經係講一知三，師傅帶入門，修行看個人。上課資料自家留，毋使抄，三個快速鍵一搯<sup>5</sup>，滑鼠一箍，資料跔緊留落來。

當日上課紀錄先生有錄製。驚你單淨係「用手機上課等」，人毋知走到哪位去。因致先生上課會問問題，一半問，一半在點名，看若心有在無？認真上課个，回答無問題還會講頭斯知尾，無用心个也無問題，平平無問題，這個係毋知半項，所以無問題。連先生喊佢回答，佢斯像在人間消失，無鏡頭、也無回答聲，訊息欄項乜無留字，因致佢正經係「用手機上課等」。

線上學習，成就隨在人，逐儕有擇个自由，斯愛對自家个人生負責。對自家未來正經个大概，斯係同所有做下貢獻分現子時。今日个僱，成就天光日个僱。

<sup>1</sup> 巧神：音 kiau<sup>ˋ</sup> shin<sup>ˇ</sup>；聰慧，屬具特殊能力的聰明。

<sup>2</sup> 蠢當：音 ngong<sup>ˋ</sup> dong<sup>ˋ</sup>；形容人笨拙魯鈍。

<sup>3</sup> 秘訣：音 bi<sup>ˋ</sup> gied<sup>ˋ</sup>；訣竅，指事物的要領、竅門。

<sup>4</sup> 閉辦：音 hia<sup>+</sup> bai<sup>+</sup>；囂張。

<sup>5</sup> 搯：音 ed<sup>ˋ</sup>；按、手用力向下擠壓。

112 年全國語文競賽客家語朗讀文章國中學生組（大埔腔）

編號 2 號

### 【火燒矮山坪】李宜諭原作

在鄉下，鬧鬧熱熱个舊曆年一過啊撇，又伸著恬靜个生活咧。毋過，行過消防隊時，會看著該一臺一臺个消防車，駛出車庫停在路脣，雖然看毋著無閒濟借个身影，乜聽毋著緊張吵耳个警報聲，毋過，空氣裡肚囤核一層愛停動个電波，一種神經擱纏个氣氛。

舊曆二月係美濃人掛紙个時節，恁多年天時改常，春雨慢到，二月个矮山坪燥絲絲，因致，第一個拜六掛紙个臨暗起勢，斯會看著矮山坪項出現衝天个火煙，接落來紅紅个火光斯透出來咧，阿姆哀喲，火燒矮山坪咧！消防車个身影像走相逐樣從一路出，警報聲在街路項颯緊過<sup>1</sup>，一臺、兩臺、三臺……總下出動咧，毋過，斷烏過後斯難耐哩喲，高不將換手腳溜掠个阿兵哥，擎緊禾鎌、刀嫲同附近个竹頭、樹、草劈撇斷火路。

第二日打早，「轟……啲啲啲啲、啲啲啲啲」直升機个聲音斯在天頂來來去去響無停咧。「直升機去美濃湖舀水哩喲！」美濃湖黏時鬧熱起來，大家遽遽號一個好位，坐落來定定看緊直升機在湖面舀水个景象。遠遠飛過來个直升機，會到美濃湖个時節，斯會慢慢降落來，等到肚屎下背个大袋揆著水面，佢斯會趕

<sup>1</sup> 颯緊過：音 siu` gin` go`；疾駛而過。

緊同袋向前拖一下正擲踎來，淦淦一大袋个水斯畀吊踎來咧，績核同這恁大袋个水，晃晃激激<sup>2</sup>吊去廣善堂背个矮山坪項，對半天高倒往落，恁大袋个水隨化做一陣白白个濛煙散淨淨。

天頂項直升機一掖過一掖，對打早飛到斷烏；山腳下消防車个水一管又一管緊射；矮山坪項紅紅个影跡對山前遭到山背、對山坪遭到山頂。更深夜靜个暗晡頭，總會聽著竹頭燒去囉栗噉<sup>3</sup>響个聲音，火屎斯跔緊風滿哪飛，天光時節，家家屋屋个屋頂、大路項、田坵肚跌去全全烏烏个火屎。矮山坪个火日燒夜燒，山下个消防車、救護車、阿兵哥乜日夜掌緊……下把伸著衝天个白煙，大家想愛歇暍下个時節，紅紅个火尾嘎又好恬恬躡緊出<sup>4</sup>，斯恁泥直直愛燒到掛紙結束。

火燒矮山坪對環境、對山林个破壞十分大，看著劈竹頭个阿兵哥，分樹杈劃都手同面都血流血蒂，實在分人毋盼得，掛紙个方式係毋係需要鄉親好好來思考、參詳呢？

<sup>2</sup> 晃晃激激：音 gong` gong` gieb` gieb`；因搖晃使得水從容器中溢出來。

<sup>3</sup> 囉栗噉：音 bid` lid` biag` lag`；竹子燒裂的聲音。

<sup>4</sup> 躡緊出：音 liung+ gin` chud`；鑽出來。

編號 3 號

【鷓婆飛啊飛】張瑞玲原作

打早，日頭正對東片鷓婆背<sup>1</sup>个背尾升疏來，輝煌又晟目个金線射入天頂。佢踏緊該臺一騎斯響歸路个老鐵馬，來到吾个百果園，還話講今晡日頭一出來斯到位，算當早咧！無胚想，正踏入園肚，隔壁種大梨个阿權哥斯在該大聲咻咧！「喂！日頭恁高咧正到位哦，曾做有事？」

唉！佢都恁早咧，還輸佢，這阿權哥係歸暗晡毋使睡係無？做麼使得七早八早斯來到位？心肝還想緊，嘴頂又毋肯認輸，對嘴斯應佢：「無啦！毋係來做事，來看鷓婆得啦！」

吾个林園在山龍圍緊个窩肚，若堵著像今晡恁泥个好天時，打早斯會有三、四隻大鷓婆，在四圍个山嶺頂飛啊飛。

同阿權哥个嘴鼓都還言搭煞，聽著遠遠个所在傳來「咻！咻！」个聲，鷓婆出來咧！阿權哥看著鷓婆出來，做緊个山園事頭也無掛做咧，跔核一陣來搵接梨个工人，坐在吾工寮个蔭影<sup>2</sup>下欣賞這齣大自然个表演。

看厥等閉開長長个翼胛、跔緊燒氣，慢慢迂、定定盤，越迂

越高、緊盤緊遠，到尾變做天邊个一粒烏點，親像優雅个天頂王者，對天頂看落厥等守護个土地。

成半下，會看著厥等胸挺挺、目盯盯停在脣頂个樹樑頂高，好恬恬無聲無說斯從往落<sup>3</sup>，一瞞目轉身又飛往上，尖尖利利个爪頂，夾緊一尾挨著神頭个蛇哥伯，斯一路「咻！咻！咻！」風神喋喋飛入密密个樹林裡肚。

又有成下，看厥等在高高个天頂迂來迂去，忽然間，兩片翼胛一收，對天頂直直墜往落，吾心肝肚還想緊：「這隻鷓婆這下包穩死無命咧！」毋過，看佢硬硬都會撞著地泥咧，翼胛一閉、利爪一伸，黏時都頓恬个一瞞目時間，厥該雙利爪頂，毋知哪時抓著一隻圍身還在扭啊扭个大老鼠，一轉身又飛到半天高咧！

歸陣人看鷓婆表演看去嘴擘擘，有人講：「難怪，在這搭林園做恁久事頭，難得看著蛇哥，斯係有這兜鷓婆守護這搭土地，戴在這四角圍个老嫩大細正有好安生生活啊！」

<sup>1</sup> 鷓婆背：音 rhau` po` zui`；東勢東方山峰名，華語稱鳶嘴山。

<sup>2</sup> 蔭影：音 rhim` rhang`；陰影。

<sup>3</sup> 從往落：音 zong` gong+ log`；往下俯衝。

【糖蔗下个蟬】羅紫云原作

屋脣該蒲<sup>1</sup>糖蔗，種幾下年了變當大蒲，斫撇又還過煞猛綻筍，生去青荷荷咧，蔗身長目又多汁，清甜好食。

逐年大體五月開始，日日到臨晝邊，斯會有一陣著青衫，頭大尾尖翼長長，像手指尾恁大細細隻个草蟬，黏在該長長青色个甘蔗葉下，盡命在該啦歌哩曲，鬧熱濟借，厥等總係唱緊：「揸揸揸<sup>2</sup>——揸揸揸<sup>2</sup>——」甜美个歌聲，直直到下晝兩點零正會煞棚<sup>3</sup>，毋識喊恠。

草蟬下班隨後嫲牯蟬<sup>4</sup>珍核上棚，毋過，嫲牯蟬係黏在糖蔗脣該頭榮榮个苦棟樹頂，佢算係盡大隻个蟬，圓身著緊一身烏色个西裝已澄線，大聲唱出屬於厥等个愛戀歌：「蟬<sup>5</sup>——蟬蟬蟬！蟬——蟬蟬蟬！」厥等背緊一臺自家製造个放送頭<sup>6</sup>，該聲亮放送到當遠都還聽得著。吾心情好个時節，斯安腦厥等唱歌真好聽，

心情毋好該下又試著厥等吵耳吵鼻。毋過一想著厥等來到這世上，淨有短短幾日等，斯當欽服厥等該勇敢煞猛打拚个精神，為著完成唯一愛做个大事——傳宗接代，該斯無麼个好怨嘆，乜原諒厥等个抽骸另命咧。

在這恁鬧熱个時節，佢兜張凳恬恬坐在甘蔗脣斟酌聽，還會發覺厥等毋係儘採唱个哦，曉得照順序有條理，成半下單唱一半下合唱輪核來，像有人指揮个樣，聲音有清亮、低沉、成下大成下細，所發出个聲無幾共樣，有个較尖有个較溫柔。其實，蟬有當多種，有一年、三年、五年、十三年、十七年，長年都戴在泥肚無見天日。囿在烏泥肚，培養破土个熱情；多年个等待，化地泥肚个能量做聲亮，突破重圍，斯為著這短短幾日个自由飛出。

吾心肝緊恸：這蒲糖蔗無落肥，敢係因為聽著蟬熱情清亮个歌聲，正緊生緊高緊榮？該恁人，乜愛像蟬恁知足，知恩圖報，逐日天轉笠嫲花，這一生人斯多姿多彩咧！

<sup>1</sup> 蒲：音 puˋ；叢，植物叢生。

<sup>2</sup> 揸揸揸：音 rhamˋ rhamˋ rhamˋ rhi+；草蟬的叫聲。借字。

<sup>3</sup> 煞棚：音 sodˋ pangˋ；結束。

<sup>4</sup> 嫲牯蟬：音 maˋ guˋ shamˋ；此指臺灣熊蟬。

<sup>5</sup> 蟬：音 shamˋ；此指臺灣熊蟬的鳴叫聲。

<sup>6</sup> 放送頭：音 fongˋ sungˋ teuˋ；麥克風。

112 年全國語文競賽客家語朗讀文章國中學生組（大埔腔）

編號 5 號

【油籬蜂叮著記】李政暉原作

分油籬蜂叮著咧！

該朝脣去山頂巡水做事，無看著路脣个竹林內肚有大蜂竇，乜無細義自家去撞著<sup>1</sup>該支竹篙，歸陣个蜂尋著佢。惡桀桀<sup>2</sup>湧出來黏時斯飛到吾四圍，對吾圓身斯柑過來。佢陪著一隻，一看正知係油籬蜂驚都佢拚緊走，緊退緊陪圍身同頭那毛、面頂个蜂。退到無蜂个所在正試著頭那浮浮人怪怪，行轉屋家想歇睏下。

無幾久吾頭那、圍身、手髒同脅下開始會疾：頭那感覺像雲在天頂飄，又分人縹緲縲樣，暈<sup>3</sup>都無法度思考。左手巴掌膨去像紅龜板，手痺痺、手指尾會伸毋會勾；坐毋核睡毋得，唉唉嚟嚟實在還艱苦。若係有陰間，該時節个佢應該係戴在內肚。

臨尾分人送去病院掛急診，講著有十外隻个蜂叮著佢了後，醫生認真同佢講：「普通來講油籬蜂叮著二十針以上，斯可能有危險，這款个蜂無解毒个血清、傷重个成下會引起過敏性失魂抑

係溶血个症頭，盡好愛先通知若屋家个人。醫生安排吊大筴<sup>4</sup>、注射同抽血，交代佢先歇睏下，若有麼个毋堵好愛黏時講。

等佢略略歇下了後，試著人加已好斯想愛轉去。毋過醫生愛佢加歇一駁觀察看，盡好等屙出來个尿色正常，若係變暗泥色斯較費氣愛送大間病院。愛過加等下，無麼个问题正使得出院。頭尾做下無問題醫生還係掛心講：「開个藥愛照三餐食，有麼个無快活斯愛遽兜倒轉來哦。」

轉屋家換衫褲時正知，總共叮著十六針，兩隻手髒發紅腫跣來，有罅癢。左手巴掌還係紅紅腫腫無感覺、頭那暈暈想睡。睡到半夜還緊爪，癢都硬硬愛同皮掀開、爪到骨頭髓。食藥、抹藥乜無麼效，堵好有人紹介講臺灣有一種牛樟菇使得清肝解毒，無定著對蜂毒有效。食過該暗晡正經好睡毋會癢咧。

這滿蜂叮个所在既經結疔，看著這兜堅疔斯過一擺分佢想著：該時節个該兜蜂，佢一個人在山肚有幾危險。

<sup>1</sup> 撞著：音 dung` do`；接觸、碰到某物。

<sup>2</sup> 惡桀桀：音 og` kied` kied`；很凶惡的樣子。

<sup>3</sup> 暈：音 ngong`；頭昏神智不清。

<sup>4</sup> 吊大筴：音 diau` tai` gong`；吊點滴。

112 年全國語文競賽客家語朗讀文章國中學生組（大埔腔）

編號 6 號

### 【金黃色个旅行】曾雪蓉原作

旅行係一種盡好个休閒活動，使得分人个心情鬆爽，同盡靚个回憶留落來，另外旅行也係一種學習，有一句話講：「行萬里路，贏過讀萬卷書」，在旅行个時節，一路項看著个、聽著个，可能比在書項學著个還較精彩、生趣。

在印象裡肚，佢盡懷念个一擺旅行，係前幾年佢八月半个時節，吾爺哀帶歸屋家人去花蓮遶寮。

吾等來到花蓮富里个六十石山，一路項感覺花蓮个空氣特別好，一聲又一聲大鷄婆歡喜又自在个歌聲，響在彎彎幹幹个山路項，厥等迂在高高个雲頂，打開梟雄个翼胛，無分日夜在這片山頭巡邏，厥等係這片天地个山大王，也係保護者。

等阿爸同車停在忘憂亭，佢一落車斯看著滿山坪个金針花開來當鬧、當打眼，想著識在電視裡肚看過一個紹介花蓮金針山个節目，講這位係一個靚都會分人發狂个所在，這句話正經半屑都毋會差；在佢企在這高高涼亭个時節，看著歸片个山頭，變做金黃色个世界，在間緊泥香、野花香个山風對面吹過來該下，毋知仰脣，吾心肝頭斯有一種感動還有幸福个感覺，佢想這斯係大自

然个力量。

阿爸講：「前人種樹後人涼，前人種竹後人搖」，這山頭个金針花，係當多前人開山打林開墾出來个，因致來到這邊寮个時節，愛曉得珍惜，毋單淨同這美景用相片帶轉屋家，也愛同自家个垃圾處理好，恁泥年年正有靚靚个風景好欣賞啊。

斯在夕陽像一粒啾紅个柑，掛在天邊个時節，本旦開來當有精神个金針花，像約定好共下下班个樣，全奔緊目珠互相偎憑，恬恬睡撒咧；難怪金針花又安做「一日美人」，佢跔核打早个日頭翫床又在日頭落山時節，合起厥該錫人个花蕾衫裙，做一個靚一日个美人。

時間過撒好久咧，成下佢還係會恹起該擺「金黃色个旅行」，親像又聽著大鷄婆歡喜个歌聲，當久……當久。

112 年全國語文競賽客家語朗讀文章國中學生組（大埔腔）

編號 7 號

### 【盡風神个社團】劉純汝原作

兩年前正開學時節，佢拿著社團選單，哇！一拖拉牯<sup>1</sup>呢，有服務隊、排球隊，還有童軍團、熱舞社……，該央時，佢毋知愛選哪個正好？欸！「西洋劍隊」吾目珠一金，仰有恁沙鼻恁風神个名喎？「噠，斯來選你好咧！」

入團隊个第四個月，佢總算有機會參加全國比賽咧。換佢上場哩啲——劍衫拉畀伸，面落同手落也戴好勢，夾起電衫、馬步紮好，盡命哩啲！比賽一開始，佢拿緊劍煞力滑步搶前進攻，使出吾个蠻力拂啊拂。吾知，吾長刺對手撥擋、佢飛刺佢敲劍……，阿姆哀！總係分佢閃俐俐，戰術也分佢看透透！吾个心肝頭勾筋<sup>2</sup>，手腳嘎亂撇，節奏也起勢亂咧；對手密密「咻！咻！咻！咻！」佢嘎緊拂空、緊失分，輸到恹恹恹！

一比煞，吾軟怠怠个雙腳玄玄風跪落地泥，盡命个「啊」一聲，斯像氣渺渺个相打雞，落喪至極<sup>3</sup>！原旦个自信怕係走到天頂同白雲搞園人尋去咧！

貼心个劍隊伴，全都行俾來——有人送涼水、有人撚背囊、還有人同佢捕縲縲，教練也柔柔安慰佢講：「人生有時星光有時月光，你打來算當慶咧，下次擺正過加油！」目汁硬硬會忍毋核个佢，深深感受著厥等親像寒天个細日頭樣，分佢黏時斯燒暖燒暖！

人講「臺頂三分鐘，臺下十年功」正經有影。聽跣來恁風神个「西洋劍」，做起來無恁該！除撇愛考反應、比體力，還愛動腦筋、恁戰術。這兩年來，一擺又一擺毋係人贏斯係佢贏个比賽，分佢學習著：仰脣去面對失敗、仰面對毋壁个自家，面對問題、解決問題！佢發揮客人硬頸个精神，煞猛打拚練好基本功，抓捉要領，十年接一劍！吾个劍術緊來緊進步咧，武藝比得古代个花木蘭啲！

「西洋劍」源自十七世紀个歐洲，也係奧運項目之一，有分鈍劍、銳劍、軍刀三種，競賽員在比賽時節，企在金屬枋面頂个兩片析準備核，用劍頭先刺著對手有效个部位斯算得分，比个係速度感同爆發力。

「西洋劍」毋單淨培養專注力、思考力，還有觀察力同判斷力，佢還係「盡風神」个社團活動唷！

<sup>1</sup> 拖拉牯：音 to+ la` gu`；語源於日語「トラック」，卡車，此文形容很多之意。

<sup>2</sup> 勾筋：音 giu` gin+；此處指心裡很著急。

<sup>3</sup> 落喪至極：音 log` song` zhi` kid`；極為喪氣之意。

112 年全國語文競賽客家語朗讀文章國中學生組（大埔腔）

編號 8 號

【 崁下該頭杌樹 】徐秀英原作

戴在莊下，屋脊種幾頭樣樹、牛眼、杌樹係當平常个，一到打子个季節，管佢有熟也無熟，所有食得个東西，細人絕對無放佢煞，斯驚吵著睡當晝个叔公叔婆大聲逐，該下晝斯無戲好唱咧。

吾屋家斯在伙房个盡尾析，崎溜啊落斯係礮崁，崁下个圳溝係細人熱天个天堂，洗身、庠魚、捉蝦公、釣蛤蟆、蛎，想得著个空頭，麼个都搵得著來搞！該頭杌樹斯對崁下个石壁頂暴出來。

阿奶當好食這頭杌樹个黃杌，見看著杌會食得該站，佢斯會撐緊怙杖行俛來同吾這兜細孬講，青杌食了會屙硬屎，愛等佢黃正好食。細人嘴項應講好，一陣枵豺个細孬，哪管得著厥等該張嘴，幾雙賤手揪得著个，做下都摘來塞牙縫咧，除撇生去忒樹尾摘毋著个，阿爸斯會擎竹篙極又去剪落來，較硬个佢會自家食撇，較熟个佢會放到米缸裡肚，翕加兩日正拿去阿奶間項。無牙齒个阿嬤，糜啊糜，面項滿足个笑容，到今這下佢都還記得。

該頭杌樹頂，輒輒會有青鸛<sup>1</sup>飛來做竇。青鸛毋驚人，吾等在樹下搞份家啦，佢在樹頂高啾啾滾飛來飛去。細人雖然番綻，毋過自從毋識去撞過厥竇。較盤擎个會跋上石壁去算看看，竇項有生幾多粒卵。一駁過後，樹頂又加加幾隻得人惜个細鳥子咧，斯恁泥生生不息。

樹頂高也有膨尾鼠跳上跌落，還有共樣毋驚人个山狗太、狗嫲蛇趁上趁落。膨尾鼠尾絨絨，當得人惜，屋家食伸个果子抑係果仁、果子皮放到樹下，厥等會輪緊跳過來食，律律轉个目珠仁迂迂轉<sup>2</sup>，斯驚人來搶食个樣，實在還生趣。山狗太、狗嫲蛇斯無恁得人惜哩啲，因為厥皮膚有保護色，分樹梗抑係燥葉措共下个時節，一無注意斯會分佢嚇著，因致佢盡惱山狗太。

恁多年過去咧，崁下該頭杌樹早都無在咧，毋過，該童年个回憶，哪久都恁香甜个放在吾心肝肚。

<sup>1</sup> 青鸛：音 ciang+ diˊ；綠繡眼。

<sup>2</sup> 迂迂轉：音 din+ din+ zhonˆ；轉來轉去。